

-Cuentos de los Animales-

(en Zapoteco de la Sierra de Juárez)




CUENTOS DE LOS ANIMALES

En Zapoteco De La Sierra De Juárez

**Instituto Lingüístico de Verano
en cooperación con la
Dirección General de Asuntos Indígenas
de la
Secretaría de Educación Pública**

Mexico D.F.

1959



El lenguaje utilizado en esta edición no está vigente pero es útil como antecedente de las ediciones posteriores

YITIA NNA BEDA' YETHIA NNA

LA GALLINA Y EL ZORRO NEGRO

Este cuento trata de un zorro que prometió llevar a su mamá una gallina para comer. El zorro sabía como prender la gallina, pero la gallina inteligente supo como escaparse.

A veces el que desea ganar es el que más pierde.

Tu tiempo lanía nna gudua tu beda' yéthia nna r̄a nana qui'niá:

-Tsi huaté biyra gori'u.

Nana qui'niá nna beccabíq nna r̄a:

-Nidirúbani ti'to' labí biyra té gori'u.

Beda' yéthiá nna r̄a nana qui'niá:

-Bedua tu yéthu' innda tsa'a lóo yí'a' qui'ni intee' nna tsa'a' taxia' tu béra para gori'u,

-Ooba- ra nana qui'niá nna beduq yéthu'á lóo yí'.

Laniana guda' beda'á nna guxua tu beduti yriqqui nna díq litsi' tu yitító' duq exxabá litsi'niá. De bitsina'a litsi' yitítú'a nna lanúq té qui'ni biríq litsi'niá nna díq tátilláq cabetsanató' para góxtili. Pero biyrul-laníq nna labí bethaya puerta qui' yú'u qui'niá.

Bitsina' beda' yéthiá nna guta'a le'e yú'u nna becattsi'lúj cue'e puértaá nna ribedáq biyra hora étsina' yitítú'a para gúdaxu'a-na nna échi'a-na litsi'i.

Laniana betsina' yitítú'a litsi'niá nna denú'a tu tsummi bettsanató' para góxtili. De beya'a le'e yú'u qui'niá nna laniana biría beda' yéthiá para gúdaxu'a-na. Pero yitítú'a nna gutsiniq nna guduq nna bedànània tsummi bettsanató' qui'niá nna bitsina'a lóo méyraá.

Accana ra beda'á-na:

- Beyadi.

Beccabi yitítú'a nna rä-na:

- Labí éyádi'a' qui'ni golu' intee'.

Beccabi beda'á nna rä yitítú'a:

- Pero huayúá' ti'iyra modo.

Beda' yéthiá nna gudulúa ruiqä vuelta ru'a méyraá. Yitítú'a nna de tantua rinna'ä ti'iyra requia beda'á nna bigannalatsi'i nna binniä. Beda'á nna beyritsia nna bedaxu'ä-na, begú'ä-na le'e beduti qui'niá. Laniana beda'á nna déyyä para litsi'niá, chi dénu'ä yitítú'a le'e beduti qui'niá.

Pero de déyu'äq néeda nna betsaniä nna bedi'latsi'i nna qui'ni yala ubáá nna idí'i nna uccuaniä. Laniana gulianiä lati dutu yaa yrúlla nna guleqquia beduti qui'niá nna gutta'ä lati yrúllaá nna guta'athiä.

De biyenini yitítú'a qui'ni chi guta'athiä nna beyuä le'e bolsa qui' mandil qui'niá nna yu'u tu tiyrera nna belábalatsi'i: Anna té tu oportunidad quia' para Má'a'.

Laniana guyri'ä tiyréraá nna guchuä bedutiá nna beria fuera nna beyilaä tu íyya xeni nna gulu'ä-na le'e bedutiá. Laniana beyiä bedutiá nna becuittää nna déyyä litsi'niá quetha nna beya'ä nna bethayää puerta qui'niá lani candado.

De bebani beda'á nna bexùä yriqquiä beduti qui'niá nna rä:

- Demasiado riyreni yitítú'i, icca'rúani iyri' guä.

De betsina'ä litsi'niá nna ra nana qui'niá-na:

- Biecca yala bitsaalü', yala chi ritsia inndi.

Beda'á nna beccabia nna rä:


- Icca'rúbari'u nana qui'ni chi denu'a' béera para gori'u.

Gutua tapa qui' yethu'ä nna, intee' nna gudálha'a' yitíi le'e innda tsa'ä'.

Tiémpuá bedetta'ä bedutiá le'e innda tsa'a nna xeni tse' ná tu íyya biria le'e bedutiá nna ituba innda tsa'ää nna guttsä lóoqui.

Nui nna uccua tu experiencia para cabeda'á, acca racä:
-Jamás labíru biyra úquitsí'niri'u yitíá' qui'ni yala cca
qui'í.

fin.



El lema utilizado en esta edición no está vigente pero es útil como antecedente de las ediciones posteriores

LEQA NNA BEDINA'A NNA

EL LEÓN Y EL RATÓN

Este es una de las fábulas de Esopo, que enseña como uno de los más pequeños animales pudo salvar la vida del rey de los animales.

El verdadero amigo es aquél que
comprende las necesidades del otro.

Tu tiempo nna gudua tu león nna guduq le'e tu yato' xeni.
Tu vuelta nna guta'áthi leqa yranà tu yaa yrúlia.

Pero yra yagaá nna dua litsi' tu bedina'tó' nna. 'La nna labí guyu'ulatsi'i qui'ni leqa nna gátta'q ru'a litsi'niá, porqui'ni yala gutsiniq-na qui'ni yala xeni náq.

Bedina'tú'a nna bila'niq qui'ni ti'athibá leqa nna accana rä:
-Anna té tu oportunidad quia' para gunibí'a' ituba cuerpo qui' león-ní tsallání ti'athia.

Laniana bedina'tú'a nna guppáq valor nna gudulúq huappiä cue'e leqa nna gutta'q le'e ítsa' nu re' cue'e yáani leqa.
Laniana beyàdiä nna bitsina'q ru'aloo leqa nna guduniä iqquia yrin'i. Después nna beyadiä nna bitsina'q lati antta' caná' leqa nna gutta'q le'e cayrubini'i para ínna'q catsíttathuti.

Pero leqa nna desdebá huappi bedina'tú'a láati nna bebania pero labí biyra bethácca'tiäna be'ella'báq bedina'tú'a cuéniä ituba láati. Pero de guta'q le'e cayrubiná' leqa nna laniana bititsi'ni leqa-na bedaxu'q-na, beni'q nna rä bedina'tú'a:

-Bianicca ruquitti'nilu' intee' nna rudubanilu' intee' nna.
Annana gua'-lu' para qui'ni guthete'lu' bítturu gunilu' q'.
A'hua meruání ritunia' nna acca gua'-lu'.

Laniana leqa nna gudulúq rille'érú'i. Bedina'tú'a nna yala gutsiniä pero 'la nna guppáq confianza qui'ni leqa nna

gullá'báa-na, acca rā leóa:

-Señor Rey, huayúá' qui'ni ritunícuia'lu' pero intee' nna demasiado miserable na' para cuiq'lu', además de nuq' nna tu bedina'to' ruba ná' nna yala tsittá ná'. Pero canchu huaná cuiq'lu' qui'ni gullá' cuiq'lu' intee' nna, algún día nna xiāba huaccate' gunia' cuiq'lu' cualaní.

Leóa nna yala beyritsíq' nna rā:

-Ti'ani modo ocaní tu bedina' gunia' cualaní Rey qui' ca-animal cá'.

Pero leóa nna betúalatsi'i bedina'tú'a qui'ni yala respetar benia-na, acca bella'a-na. Bedina'tú'a nna de bella' leóa-na nna becuittāq' quetha nna rā:

-Quiyraru cuiq'lu' señor, jamás labí fyruilate' favor nu benicuiq'lu' quia'.

Leóa nna adila beyritsíq'.

Pero cca tutsunna biú' ti'ga nna leóa nna gutta'q lóo tu lóotáccá' nna guta'áthiq'. Bitsina'te tuchuppa cahuetáa' nna bila'nicq' qui'ni té leóa nía ti'athiq' nna raca:

-Annalá ti'athiq' nna gudaxu'ri'u-a.

Laniana bedallacá tu clase de yelliá especial para gudaxu'ri'u ca-animal xeni. De bebani leóa nna chila yu'áa le'e yelliáa nna labíru uccua lláa porqui'ni yala tsittsi bedaxu' yelliáa-na. Cahuetáa'a nna raca:

-Nibá úga'násari'u-a nna tayri'ri'u adi ca-enne' nna. Lahua huallatia qui'ni tsittsibá chi yu'áa.

Leóa nna yala ritetsínq' lóo tacca'á para lláa, pero de ritetsína nna adila biyrittia nna yala ruido benia nna fuerte beni'a. Laniana guduluá ribétsíq' nna rā:

-Intee' na' rey qui' ca-animal nna pero labí ccate' má'a' porqui'ni yellií nna adila fuerte náa ti'chu intee'. Ti'ani gunia' nna, chitáaduá ellanicá nna éche'ca intee'.

Tiémpuá nna bitsina' bedina'tú'a nna bila'niq' qui'ni leóa

nuá yu'u le'e yeliáa nna gudulúq rudiuhuá'q yeliáa nna hasta qui'ni yalaní chi cadi' calaya'tó' qui'li, pero 'la nna benią seguir hasta qui'ni uccua bería leqa, laniana ra leqa:

-Señor Rey, yala redacca'te' qui'ni chi guñiaa cuiq'lu'.
Masqui'bá na' cuichuto' pero uccuate' bedilá'a' cuiq'lu' de lóo lu'uti ti'a favor nu benicuiq'lu' quia' cuáyranuá.

Leqa nna ra:

'Lachu, anna chi uccua' saber qui'ni masqui'bá nálu' xcuichuto' nna pero te capacidad qui'lu' para gúnili' cualani rey qui' ca-animal.

Desdeba laniana uccuacä amigo tse'.

fin.



El lenguaje utilizado en esta edición no está vigente pero es útil como antecedente de las ediciones posteriores

HANSEL NNA PELUQUERUA NNA

HANSEL Y EL PELUQUERO

En Europa hay una clase de pájaro que se llama estornino. Había un peluquero que tenía uno de ellos. Dicho pájaro aprendió a hablar y a salvarse la vida por si mismo.

Todo lo que uno aprende será útil más tarde.

Le'e Europa nna dua tu clase de binnító' láq estornino. Binnítú'a nna gutta' capacidad qui'i para qui'ni inniä catitsa' ti'a rinne tu loro pero adi tse'.

Le'e tu yétsi qui' Alemania nna gudua tu peluquero. Peluquéruá nna gudua tu estorninotó' qui'i nna gutixaq líj Hånsel. Binnítú'a nna yala inteligente uccuq nna betheti'q iyré cosa. Pero tu tsá nna ra peluquéruá binnító' qui'niá:

-Hånsel, q'hua calátsa'a' qui'ni ínnelu'.

Binnítú'a nna beccabíä nna rä:

-Calátsa'a' qui'ni ínnelu'.

Laniana peluquéruá nna belue'niä-na iyré tse' catitsa'. Acca yala enne' bituppá qui' peluquería qui'niá qui'ni yala ru'ulatsi'qui' ti'iyra rinne binnítú'a. Iyaba ca-enne' qui' yétsiá nna yuucaq ti'iyra runi binnítú'a.

Peluquéruá nna yala ru'ulatsi'i huf'q titsa' lani cacliente qui'i. 'Lä nna yala rebatta'q. De beyacca guchuq iquia tu enne' nna rä:

-Ni tú attu labí ccániä ti'chu intee'.

À'hua rä:

-Intee' ná' adi peluquero tse' ti'chu iyaba canu tse'e le'e Alemania.

De rinnabatitsa'cq̃ peluquéruá canchu huathaliáq̃ peluquería qui'niá attu tsá nna, 'lq̃ nna siempre reccabíq̃:

-Canchu huaná voluntad qui' Tata. Dios.

Peluquéruá nna tulidàaba riquixa'aniq̃ ca-enne' tu cuéntutó'. De reyacca riquixa'q̃ cuentutú'a nna siempre renq̃:

-A' ridacca'q̃ canu rida' lani cacompañero malo.

Binnítu'a nna betheti'q̃ iyaba catitsa' nu rená peluquéruá, a'hua huadu nna runiq̃-na cualani canchu riquixa'q̃ tu cuento.

Tu tsá nna peluquéruá nna biriq̃ le'e yú'u qui'niá nna biyrullaniq̃ labí béthayaq̃ puerta qui' peluqueríaá. Hánsel nna de bila'niq̃ qui'ni yala la'tsite ná cámpuá nna uccualatsi'q̃ thúq̃ tsfq̃ fuera para ccáq̃ libre nna cueniq̃ gusto qui'q̃. De binniq̃ cuenta qui'ni lanúru té le'e peluquería nna acca 'lq̃ nna guduq̃ nna becuittáq̃.

Hánsel nna taxacca'q̃ adi ca-estornino nna. 'Lq̃ nna belábalatsi'q̃ qui'ni yala tse' cueniq̃ lani-cq̃. Acca 'lq̃ nna uccuq̃ amigo qui' adi ca-estornino nna labí rulábalatsi'q̃ qui'ni éyéqquiq̃ attu vuelta le'e peluquería nna rä:

-Adi ru'ulátsa'a' thua' lani ca-compañero quíyi'q̃ ti'chula thua' le'e yú'utó' qui' xána'ya'á.

Hánsel nna yala tse' gureniq̃ lani cacompañero qui'niá. Pero tu tsá nna labí be'cq̃ cuidado nna iyabacq̃ nna guta'acq̃ le'e tu exxa especial nu ruquina'cq̃ para gudaxu'cq̃ cabinnító' canu ro yela qui'quí. Nubeyu'á nna gudulúq̃ ribeqquíq̃ tututsabá cabinnítu'a le'e éxxaá nna rithitááq̃ yáanitó' qui'quí nna regú'utiq̃ cq̃ le'e tu tsummi para éyu'q̃-cq̃ nna gúa-cq̃.

Pero nu últimuá nna de bedaxu'q̃ ni'ato' qui'q̃ nna ra binnítu'a:

-Ni tú attu labí ccániq̃ ti'chu intee'.

Nubeyu'á nna yala biquíla'latsi'i, pero luégyptàa nna benniä cuenta qui'ni binnítu'a nuá dua le'e peluqueríaá, acca gunnabatitsa'q-na ra:

-Tsi lu' nuá Hånsel cá.

Binnítu'a nna beccabíq nna ra:

-Intee' na' adi peluquero tse' ti'chu iyaba canu tse'e le'e Alemania.

Nubeyu'á nna gunnabatitsa'q-na attu nna ra:

-Ti'ani modo guta'alu' le'e exxi ni'i nna.

Binnítu'a beccabíq nna ra:

-A' ridacca' canu rida' lani cacompañero malo.

Nubeyu'á nna bebèqquíq-na le'e éxxaá lani cuidado nna ra-na:

-Tsi huacalatsi'lu' echí'a'-lu' lani xana'lu'á.

Binnítu'a nna beccabíq nna ra:

-Canchu huaná voluntad qui' Tata Dios.

Attu yu'u tsá nna nubeyu'á nna tarú'na binnítu'a lati dua peluquéruá. De bila'ni peluquéruá-na yala bedacca'niq. A'huá Hånsel nna demasiado bedacca'niq qui'ni betsina'q litsi'niá.

Desdeba lanía nna iyré ca-enne' nna huíacq para qui'ni ila'nica binnítu'a qui'ni 'la nna bedilàq vida qui'la'a-'labáq por medio de catitsa' nu bethete'ná.

fin.



BELUTSUUA NNA BEDINA'TU'A NNA

LA RANA Y LA RATONCITA

Este cuento trata de una rana que engañó a su amiga la ratoncita, causándole la muerte. Pero por la mala suerte que tuvo, también fué prendida por una águila.

Uno que engaña será también engañado.

Tu tiempo lanía nna gudua tu bedina'tó'. A'huá gudua tu belutsu. Yalaní catse'cq. Bedina'tú'a nna duq le'e campo latire' xcudadito' qui'q. Belutsuá nna yu'áq le'e inndaá.

Tu tsá nna belutsuá nna huíq tánnabatitsa'q bedina'tú'a. Bedina'tú'a nna belue'niq-na xcudadito' qui'niá nna a'huá latiritaxi'q yrúa'to' ruq nna.

Laniana belutsuá nna rä bedina'tú'a:

-Yala tse' ná yú'utó' qui'lú'i, pero adi tse' ná yú'u quia', a'huá demasiado tse' ná innda lati reya'ná'.

Bedina'tú'a nna rä-na:

-Labí ru'ulátsa'a' inndä'.

Belutsuá nna rä bedina'tú'a:

-Pero tu favor qui'lú' nna, itálu' por tu visítató', béeetsi béeetsibá nna tsu'ulatsi'lú' inndä'.

Bedina'tú'a nna beccabíq nna rä:

-Quiyrarúbalu' nna, anna itá' guxtíila.

Belutsuá nna rä-na:

-Chi déya'a'. Hasta guxtíila.

Bedina'tú'a nna rä:

-Tippadilatsi'lú'.

Attu yu'u tsá nna bedina'tú'a nna huíq tánnabatitsa'q belutsuá. De bila'niq a inndaá nna yala gutsiniq qui'ni labí

ccaniä gúrubä. Belutsuá nna rä-na:

-Anna gulue'ni'a'-lu' ti'iyyra modo gúruba'lü'.

Belutsuá nna bexiqquiä tu tütötö' yáani bedina'tü'a nna. Attu punto qui' tütü'a nna beyriqquiä-na tu lado ni'lı. Laniana gute'yä bedina'tü'a para le'e inndaá.

Bedina'tü'a nna yala gutsiniä nna guretsiya'ä nna rä:

-Bebèqqia intee' le'e inndi qui'ni chi rinétsia'.

Belutsuá nna beyritsä nna labí beniä caso ti'iyyra ná la'rítë qui' bedina'tü'a qui'ni huappiä inndaá nna guttiä.

Tiémpuá laniana reqquia tu bethíä' lóo be' rinna'ä biyra flä'niä para gúä. Belutsuá nna de bila'niä bethí'a nna gutsiniä nna benetsiä le'e inndaá. Pero tütötö' nu bexiqquiä yáani bedina'tü'a nna yala tuni nää, acca de benétsiä le'e inndaá nna bedina'tü'a nna bega'nábää lóo ra'.

Bethí'a nna de bila'niä bedina'tü'a nna huadiä quetha nna bedaxu'ä bedina'tü'a. Pero la' yríqquiabá tütü' ni'a belutsuá nna acca belithä chuppacä le'e inndaá.

Belutsuá nna guretsiya'ä nna rä bethí'a:

-Bella' intee', bëlla' intee', qui'ni bedina'tü'ä calatsi'lü' álaa intee'.

Bethí'a nna de bedeqquialü' nna bila'niä belutsuá qui'ni yríqquiahuá ni'lı tütü', acca beyritsä nna rä:

-Demasiado tse' ná suerte quia' nátsá. Nuni attu chi bedaxu'ä tu bedina'to' ä'hua tu belutsu la'a-mísmubá tiémpuá. Yala tse' góyruhuíä'.

Laniana bethí'a nna deyyä para lati dua xcu'ni qui'niá para gúä bedina'ä nna belutsuá nna.

fin.

REY QUI' CA-ANIMAL

EL REY DE LA SELVA

Este cuento relata de un zorro que se llama Orejas Agudas quien tuvo el valor de presentarse ante el león para decirle el plan que los animales tenían para salvarse. El plan sirvió por un tiempo, hasta que un conejo llamado Rabito De Algodón lo descompuso.

Con el orgullo y la envidia nunca se puede prosperar.

Tu vuelta nna dua tu león tuxu nna rigu'ubi'q ituba i'yato' qui' Africa. Adi ca-animal nna yala gutsinicä-na qui'ni náq tu león fuerte nna acca gutixacä lí Rey De La Selva.

Leqa nna, iyaba ca-animal canu tse'e le'e i'yatù'á nna, yala calatsi'i gúttiq-cä nna para gúa-cä. Acca iyaba ca-animalto' nna labí tse'e-tse'cä qui'ni leqa nna calatsi'i gúa-cä.

Tu tsá nna betuppa iyaba ca-animalto' nna para gúnica tu júntatö' qui'qui para éyilacä modo ti'iyra láacä lani leqa. 'Lacä nna itsáatse' be'cä titsa'. Beyaccadibá be'cä titsa' nna laniana guda'cä díacä lati dua yeru le'e belia lati reya'na leqa. De bethácca'bia' latsi'qui qui'ni chi beyacca guto leqa nna, acca guppacä valor gubiga'cä ru'a beliá. De chi tse'ecä ru'a beliá nna, leqa nna de bila'niä-cä nna yala beni'q nna rä-cä:

-Biani calatsi'lé.

Ca-animaltú'a nna de biyenicä qui'ni beni' leqa nna yala gutsinicä nna becuittáca. Pero tu beda'tó' láq Naga' Tottse' nna guppáq valor nna labí becuittáq nna rä leqa:

-Cuiq 'lu' Rey de La Selva, daya' ru'aloo cuiq 'lu' para qui'ni guni ri'u tratar tu asunto nu yala serio náq. Canchu gúnia cuiq 'lu' seguir guttilu' ca-animalto' nna bitola nna



lanúru nuyra animaltó'ni éya'na para golu'-q. Entonces, ti'ani modo ccá cuiq'lu' Rey canchu lanúru té nuyra animalni cu'ubia' cuiq'lu' canchu puro guttiba cuiq'lu'-ca.

Leqa nna rä beda'tú'a:

-Pero caduella' gua' tutu tsá, acca por nua' nna ruttia' ca-animal.

Beda'tú'a nna rä leqa:

-Hualibáni cuiq'lu' qui'ni caduella' go cuiq'lu' tutu tsá, precisamente por nui nna daya' para qui'ni quixa'aní'a' cuiq'lu' plan nu chi benitu' lani adi ca-animal, para qui'ni gólu' iyate nu calatsi'lu' sin qui'ni làa irìa cuiq'lu' le'e beliñ.

Leqa nna beccabíä nna rä:

-Huaru'ulátsa'a' nu ralu'ñ. Ti'ani modo gúnile qui'ni gua' sin qui'ni làa iri'a' le'e beliñ.

Beda'tú'a nna beccabíä nna rä:

-Intuu' nna ithella'tu' tu animalto' para go cuiq'lu' tutu tsá. Intuu' nna gúnitu' tu rifa nuyratu' irìa para itátu' para go cuiq'lu' intuu'. Labíru caduella' irìa cuiq'lu' éyila cuiq'lu' intuu'.

Acca ra leqa:

-Iyaba nu ralu'q' nna huaru'ulátsa'ya'-q. Guyutsánnna' canchu hualínile.

Desdeba dílaá nna gudúlóo ca-animaltu'a ririaca para go leqa-cä. Iyaba canu ría nna labíru reyeqquiaca. Adi ca-animal nna yala lani gusto chi tse'ecä le'e selva qui'ni labíru riria leqa para güttiq'-cä.

Bi'yu tu tsá nna qui'ni guilla' tu conejutó' láq Yrubana Yrilá' para tsíq para go leqa-na. Pero de guyu'u conejutú'a néeda nna labí bé'latsi'ñ para qui'ni ítsina'xiq. 'Lä nna gutittiä lóo néeda. Ca-iyyalóotó' qui'ñ nna yala xeni náca.

De bitsina'q ru'ulóo leqa nna yala latsítè ritsiq.

Leqa nna chi rituniaq nna ra conejutu'a:

- Biécca lìa gúllanixialu' ni'i nna qui'ni yala chi ritunia'.

Ca-elefante canu ná adi xeni ti'chu lu' nna gullanicq hora de ritunia'.

Conejo Yrubana Yrilá'tu'a nna beduyríibì ru'alóo rey qui'niá nna ra-na:

- Hualíni cuiq'lu' qui'ni guillania' chidi hora, pero cáalá bila'ni cuiq'lu' nu bila'te' nna labí quítsa' cuiq'lu' intee'.

Leqa nna gunnabatitsa'q conejutu'a nna ra-na:

- Biani bila'nilu'.

Conejutu'a nna beccabíq nna ra:

- Nu bila'te' nna náq tu peligro para cuiq'lu' qui'ni xiaba gúnitti cuiq'lu' reino qui' cuiq'lu'.

Leqa nna ra-na:

- Gutixa'ani intee' biyra nuq' bila'nilu'.

Leqa nna tulidàabá ratsiniq qui'ni xiaba attu nuhuaya' nna cùaq poder qui'.

Conejo Yrubana Yrilá'tu'a nna ra leqa:

- Labí quixa'áni'a' cuiq'lu' qui'ni cadueña' thá' cuiq'lu' lani intee' para ínna' cuiq'lu' nu bila'ti'q'.

Conejutu'a nna gunerùq lóo leqa nna bitsina'cq lati re' tu pozo xeni. Le'e pózuá nna ta'a innda. Conejutu'a nna ra leqa:

- Gunna' cuiq'lu' le'e pozua'.

- Leqa nna gunna'q le'e pózuá nna bila'niq lixinì le'e inndaá nna uccuaniq qui'ni nía yu'u attu león huaya'. 'Lq nna yala beni'q belábalatsi'i qui'ni náq adi fuerte ti'chu nu yu'u le'e inndaá nna ra:

- Intee' na' Rey De La Selva.

Lixinaniá nna labí beccabíq pero leqa nna uccuaniq qui'ni

beni'q. Yala bitsa'ani leqá nna rä:

-Annana gunia' demostrar qui'ni intee' nna ná' Rey.

Acca leqá nna bitsiq quetha le'e pôzuá para gudaxu'q attu león nu yu'u nía, pero 'laq nna labí uccuaniq qui'ni lixinabíl nuá. 'Laq nna labí biyra taxacca'q sino inndabá nna gúutsa'bá nna. Labíru ccä eriq le'e pôzuá.

Conejo Yrubana Yrila'tú'a nna gubiga'q ru'a pôzuá para qui'ni ínna'q ti'iyra runi leqá yu'áq le'e inndaá nna rä:

-Antes nna uccualu' rey, pero annana chi llúyralatsi' poder qui'lu'.

Leqá nna bëetsi bëetsibá rinetsiq le'e gúutsa'á. De gullalá nna conejutú'a nna gubiga'q attu vuelta para ínna'q le'e pôzuá. Pero de bila'niq nna nidirúbání ti'to' labíru ruttá leqá le'e inndaá qui'ni chi binetsiq adi le'e gúutsa'á.

Conejo Yrubana Yrila'tú'a nna gutixa'amiq adi cacompañero qui'niá nu beniq lani leqá nna. 'Lacä nna yala bedacca'nicä nna uccualatsi'qui qui'ni conejutú'a nna cäq rey cubi qui'qui. Pero 'laq nna labí uccualatsi'q nna rä-cä:

-Labí ccä' rey qui'lé qui'ni tu conejutó' rúbá ná'.

fin.



El lenguaje utilizado en esta edición no está vigente pero es útil como antecedente de las ediciones posteriores

GAYU' CABINNITO'

LOS CINCO PAJARITOS

Este cuento es de cinco pajaritos y de la mamá astuta, que vivian en un trigal. Como supieron que los dueños irfan a cortar el trigo, los pajaritos hicieron un esfuerzo para volar.

Cuando el hombre mismo dispone hacer su trabajo, lo hace.

Tu vuelta nna gudua tu clase de tsúqui'tó' nna benią tu xcu'nitó' qui'lı le'e tu yrua'xtila. Bitola nna gulu'ę gayu' tsittató' nna guyruą gutètsiąq-ca hasta qui'ni guttsaca. Tutu tsá nna rıą huilá nu go cagayu' yri'nitó' qui'niá.

Pero tu tsá nna biria tsuqui'tú'a diá idittu' tátilláq cahueMá'tó' para go cayri'nitó' qui'niá. De repéntetää nna biyenini cabinnítu'a qui'ni rue' chuppa ca-enne' titsa' nna luegutää uccuanica qui'ni xana' yrua'xtila nuá lani yri'niniá. Xana' yrua'xtílaá nna rą yri'niniá:

-Yri'nia', chi ribitsi yrua'xtila qui'ri'uı nna. Annana éyyari'u para qui'ni gari'u cavecino qui'ri'uá para qui'ni itáca guxtíla nna échucą yrua'xtila qui'ri'uı.

Cabinnítu'a nna iyaba nū ra ca-enne'yu'á nna biyeninica. De bellani nana qui'caniá nna gutixa'anica-na raca:

-Xana' yrua'xtili nna rą yri'niniá qui'ni gacą cavecino qui'caniá qui'ni itáca guxtíla para échucą yrua'xtila qui'caniá'. Annana ti'ani gúniri'u qui'ni intuu' nna labí chi canitu' thutu'

Tsuqui'tú'a nna rą cayri'nito' qui'niá:

-Bittu gulábalatsi'lé. Xana' yrua'xtila nna canchu ccaniä qui'ni cavecino qui'niá nna échucą yrua'xtili nna, pues seguro ná qui'ni labí gúnica-na guxtíla.

Attu yu'u tsá nna biria tsuqui'tú'a attu vuelta para tátimáq nu go cayri'nitó' qui'niá. Xana' yrua'xtila nna huíq attu vuelta lani yri'niniá nna rä-na:

-Labí bitá cavecino qui'ri'uá para échucq yrua'xtili. Annana yala chi ribitsiq. Acca éyyari'u nna gari'u capariente qui'ri'uá qui'ni itácq guxtíla para échucq-na.

Cabinnítu'a nna biyeninicq iyaba nu ra xana' yrua'xtílaá. Acca dë bellani nana qui'caniá nna gutixa'anicaq-na racaq:

-Xana' yrua'xtílaá nna rä yri'niniá qui'ni gacq capariente qui'caniá qui'ni itácq guxtíla para échucq yrua'xtila qui'caniá', qui'ni cavecínua nna labí huícaq. Bianl gúniri'u qui'ni intuu' nna labí chi ccanitu' thutu'.

Tsuqui'tú'a nna rä-caq attu vuelta:

-Bittu gulábalatsi'lé. Qui'ni q'hua capariente qui'caniá nna seguro ná qui'ni labí itácq guxtíla.

Attu yu'u tsá nna biria tsuqui'tú'a attu nna bedetsina'téhuá xana' yrua'xtila attu nna rä yri'niniá:

-Yri'nia', cavecino qui'ri'uá nna nihua capariente qui'ri'uá nna labí bitáca para échucq yrua'xtila qui'ri'ui. Entonces cadueña' qui'ni ri'u nna échuri'u-a qui'ni demasiado chi ribitsiq nna labíru cca cuedari'u adi, entonces thulóori'u guxtíla.

Cabinnítu'a nna de bellani naná qui'caniá nna gutixa'anicaq-na nu ra xana' yrua'xtílaá nna racaq:

-Guxtíla nna la'a-mismubá 'lacq nna itácq échucq yrua'xtila qui'caniá' porqui'ni cavecino nna nihua capariente qui'caniá nna labí bitáca.

Tsuqui'tú'a nna rä cayri'nitó' qui'caniá:

-Entonces annana tediruba qui'ni úcuittári'u. Porqui'ni tu nubeyùu' nna canchu chi guleqqualatsi'i qui'ni la'a-mismubá 'la guniá tsina qui'bíq nna entonces seguro ná qui'ni guniáq-na.

Cayri'nia', annana gúnile prueba caxilato' qui'lé canchu chi
ccanile thule.

Beccabi nu primerutú'a nna r̄a:

-Intee' huaccate' thua'.

Nu cca chuppáa nna r̄a:

-A'hua intee' huaccate' thua'.

Nu cca tsunnáa nna rahuáa:

-A'hua intee' huaccahuáte' thua'.

Nu cca tappaá nna r̄a:

-A'hua intee' huaccahuáte' thua'.

Nu cca gayu'á nna rahuáa:

-A'hua intee' huaccahuá quia'.

Laniana cabinítú'a nna guduca nna becuittáca lani nana
qui'caniá.

fin.



El lenguaje utilizado en esta edición no está vigente pero es útil como antecedente de las ediciones posteriores

TU LOBO BEYRIA

EL LOBO MENTIROSO

Este cuento nos dice de un lobo y de un conejo que siempre vivían peleando. Un día el lobo hizo un muñeco de chapopote, y así engañó por completo al conejo. Pero el conejo sabía como vengarse del lobo y se escapó en una zarza.

El necio cree todo lo que ve y todo lo
que oye sin investigar si es cierto.

Tu conejo nna tu lobo nna tulidàabá ritilláca. Pero tutu vuelta nna conéjuá runiä gana. Tu tsá nna belábalatsi' lóbuá ti'iyra modo guniä gana.

Acca beniä tu mono lani yiná'. Biriadibálaniä nna tahua'a monua' lóo néeda lati ritè conéjuá tutu tsá. Laniana becatsi'télui le'e tu manojo yíiyri.

Conéjuá nna de gutia lóo néeda nna bila'teniac mónutú'a pero labí yuä qui'ni nää tu muñecuto' nna gudutsitiä nna biquila'latsi'i nna ra-na:

-Ti'ani uccualu', yala tse' rina' bitsa nátsá álá.

Pero mónuá nna labí beccabíä. (Lobua' nna rinna'gatsi'báä.) Accana ra conéjuá mónuá attu vuelta:

-Padiuyri. Tsi guta'athilu' tse'.

Pero mónuá nna labí beccabíä.

Laniana ra conejuá- na:

-Demasiado lóo tuni naü'. Pero huayua' ti'iyra modo gunia' para guthete'nia'-lu' ínalu' padiuyri. Canchu labí

cueqqualu' sombrero qui'lu'a'- para galu' intee' padiuyri nna huf'a'-lu'.

Pero mónuá nna dutsibáq labí beccabíä. (Lobuá nna rinna'gatsi'báq.)

De yùu conéjuá qui'ni labí reccabíni mónuá-na, acca yala bitsa'aniq nna bi'q cue'e íqqui nna biyeti'tè tu lado ní'i. Laniana adírula bitsa'ani conéjuá. Mono yiná'a nna dutsibáq. Lóbuá nna rinna'báq biyra runi conéjuá. Accana ra conéjuá mónuá:

-Canchu labí gúlla'lu' intee' nna huahuí'a'-lu' lani attu lado nayá'.

Conéjuá nna be'chiq mónuá attu pero biyeti'tèhua attu lado ná'niá. Conéjuá nna demasiado chi ritsa'aniq accana rä-na:

-Canchu labí gúlla'lu' canayá' nna entonces huagúdени'a'-lu'.

Conéjuá nna bedetèni'i mónuá lani chuppa lado ní'i. Pero biyeti'tèhua cani'aniá láati mónuá. Adírula chi rutsa'áníqqua conejuá, accana ra conéjuá mónuá attu.

-Canchu labí gúlla'lu' cani'a-nayá' nna huagúdē íqquia'-lu'.

Conéjuá nna bedechi íqquiñ-na pero biyeti'huá íqquiania. Laniana biria lóbuá de lati becatsi'lóoniá nna rä conéjuá:

-Amigo quia', ti'ani uccualu'.

Lóbuá nna beyritsítèniq conéjuá hasta qui'ni gubixiniq lóoyúu. Bitola nna ra lóbuá conéjuá:

-Annalá nna chi benia'-lu' gana yra.

Pero conejuá nna labí béccabíniq-na. Lóbuá nna rä-na:

-Nuni rä-lu' qui'ni tsialu' hue'lu' titsa' lani mono yiná'a' ni'i. Nuni rä-lu' be'-q lie. Lanú nuyra álá. Sino por la'calatsi' qui'terubalu'. Annana bega'násá mientrastè qui ni tsa'á' tátuppá' yahuaga para uccua'a' yíi' para úquechu'a'-lu'.

Conéjuá nna gunnabaniq lóbuá tu favor nna rä-na:

-Gúnibálu' biyratàba calatsi'lu' lani intee' pero tu favor qui'lu' nna bittu gudallalu' intee' le'e yettse'. Lóbuá nna rä-na:

-Pues chi belabalátsa'a' áti'tó' tse' nna. Ayra labí tsa'á' huetuppa yahuaga, adi latsa' nna úgallá'-lu' lóo tu yaa.

Conéjuá nna rä-na:

-Masqui'bá úgallá'lu' intee' lóo tu yaga nu adíru xeni, pero tu favor qui'lu' bittu gúdallalu' intee' le'e yettsí'q'.

Lóbuá nna rä-na:

-Chi bexalátsa'a' qui'ni labí lazo té quia' para úgáallá'nia'-lu'. Ayra adi latsa' gúdalla'a'-lu' le'e tu pozo innda para qui'ni tsappilu'. Accana ra conéjuá-na:

-Huaccabá gúdallalu' intee' le'e tu pozo nu adíru itettia, pero tu favor qui'lu' nna bittu gúdallalu' intee' le'e yettsí'q'.

Pero lobuá nna re'gánfniq qui'ni conéjuá nna ccáq sufrir, accà guyri'q conéjuá nna guru'nä-nä le'e yettsí'a. Laniana gure'tiä rinna'q ti'iyra modo guni conéjuá para eriä. Pero tsastigáabá chi uccua nna, biyenitèni lóbuá qui'ni rinnè conéjuá, acca bedeqquiatélui nna bila'tèniq conéjuá ri'q fqquia tu bechecu'. Laníalá nna gutèlínì lóbuá qui'ni conéjuá nna bethácca'yrífibáq-na. Accana ra conéjuá-na:

-Tsi labí yùulu' amigo quia' qui'ni le'e yettsí'q'bá dua litsí'a' cá.

De rä anfa nna beyritsítèniq lóbuá nna bigàatiq.

fin.



TU BECCU' NU BIDETE'

EL PERRO INTELIGENTE

Había un muchacho que se llamaba Juanito que tenía un perro llamado Rínty. En esta historia Juanito nos dice como le enseñó a su perro a hacer muchas piruetas.

Con esfuerzo podemos triunfar hasta con los animales.

Tu tsá nna bitsina' Juanítuá le'e escuela nna huíq ru'aloo maestra qui'niá nna gunniq ru'a naqui'i, laniana beriq fuera. Adi cahuatsa nna labí yùucq biyra ra Juanítuá maéstraá nna belábalatsi'qui qui'ni biyrullaniq tu cosa acca beda'q.

Tu tsastigáabá békya nna cahuatsa canu yu'u le'e salón nna békya qui'ni rillabi puértaá. Ricardutú'a nna guthaliq puértaá. Laniana guta'a tu beccu'tó' lani Juanítuá. Beccu'tú'a nna rida'q lani cani'ató' qui' terubíq nna yu'u íqqui tu sombreruto' nna huíq ru'aloo maéstraá.

Juanítuá nna déya beccu'tú'a:

-Guleqqiá sombreruq' íqqialu'.

Beccu'tú'a nna gutappá'ní'i, sombreruá nna binniq.

Juanítuá nna déya beccu'tú'a attu:

-Betè na'lú' lani Señorita Alicia maestra quiá'.

Beccu'tú'a nna luégutaa nna betení'i lani maéstraá.

Maéstraá nna bedaxu'q ná' beccu'tú'a nna rä-na:

-Buenos días Rínty.

Beccu'tú'a nna beyriáq chuppa vuelta.

Juanítuá nna rä-na:

-Yala beccu' tse' nalu'.

Cahuatsató' canu tse'e le'e escuélaá nna yala guyu'ulatsi'qui
ti'iyyra runi beccu'tú'a. A'hua 'lq nna yala bedacca'niq nna
yala rutáa yrubànq nna betiä ní'i lani-cä.

Tu niulató' nna gunnabatitsa'q Juanítuá canchu huaccaní
Rintiá guniä adi pируeta. Juanítuá nna beccabíä nna rä:

-'Lachu, iyré cosa huaccaníä guniä.

Maéstraá nna rä Juanítuá:

-Gutsi beccu'tú'q' qui'ni guniä cacosa nu yùä, para qui'ni
ila'nitu'-----tu favor qui'lu'.

Juanítuá nna déyä beccu'to' qui'niá:

-Rínty, gutàalu'.

Luégutàa nna huña beccu'tú'a ru'alúi.

Laniana Juanítuá nna déyä-na:

-Bitetsí lóoyúu.

Luégutàa nna gubixi Rintiá nna bitetsíä lóoyúu. Laniana
Juanítuá nna déyä-na:

-Gutta' ti'a tu beccu' yatti.

Rintiá nna luégutàa gutta'q gutháa ti'a tu beccu' yatti.

Laniana Juanítuá nna gunnabatitsa'q beccu'to' qui'niá:

-Tsi hualigani chi guttilu', o tsi runibanílu' acca.

Rintiá nna bethalíä íyyalúi nna betáa yrubànq nna beyriäq
nna beyáthä. Juanítuá nna gutappa'ní'i íqquia beccu'tú'a nna
rä-na:

-Yala beccu' tse' nalu'.

Laniana Rintiá nna bedùa yriní'i le'e bolsa qui' Juanítuá
nna taxxá'ca'q tu dulce nna gutuä-na.

Acca ra maéstraá Juanítuá:

-Ti'ani benilu' para bethete' Rintia' capirueta nu yùuna'.

Juanítuá nna rä:

-Primerutè gunnábatitsa'a' tata qui'a ti'iyyra modo gunia' para qui'ni Rintia' nna guniä intee' obedecer. Tata qui'a nna rabí intee' qui'ni primero caduelia' catsi'ite' beccu'tú'q' nna huée'ya'-ä cuidado para qui'ni 'la nna tsu'ulatsi'i intee' nna guniä obedecer nu épaya'-ä.

-Iä modo nna catsi'iti'-ä. Tutu tsá nna ruée'ya-ä nu ruä le'e platutó' qui'iä. Nana qui'a nna rue'ella'bi intee' qui'ni ridia' belä' o bëlla para ro Rintia', ä'hua etta nna ettaxtila nna o biyraá adi cacosa nu réxa lóo meyra qui'tu' nna ruée'ya'-ä ruä. Ä'hua nna ribeqqui'a' tu taza innda para i'yä canchu chi ribitsiä.

-Rínty nna yala ru'ulatsi'i gürubä. Canchu chi rellani tiempo ubáá nna richée'ya'-ä ru'a yòo para qui'ni gadiä nna. Canchu chi rellani tiempo idilla' nna rugádiaya'-ä lani innda gutsi nna. Primero nna rigu'ä' ya'axtila fqquï ä'hua nna yala cuidado rui'a' para qui'ni lâa ga'a innda ya'axtila lûi. Pero yala tabí ná porqui'ni labí ridútsiä nna yala ruttá láatä. Canchu chi beyacca quia' rugádiaya'-ä nna laniana rudibitsiya'-ä lani tu láari'. Bitola nna rixaya'-ä lati dàa ittsa'á para qui'ni lâa ccaniä idilla' nna gá'niä.

-Tiempo ubáá nna fuérabá reya'náä nna ratta'ä yra tu yaa. Pero tiempo iyya nna rugá'aya'-ä le'e corredor nna rixa' tu tá'a para raniniää para qui'ni ccaniä itsa'á nna. Ä'hua tutu tsá nna rucuñbia' tá'a qui'niá nna rulúba'a' lati ratta'ä.

-Antesca guthete' Rintia' capirueta nna, priméruyra belué'niya'-ä guniä intee' obedecer. Iä modo nna benia'. Canchu labí beniä nu calátsa'a' guniä nna, laniana begália'níya'-ä nna labí be'élia'ya'-ä quittiä lani intee'. Pero canchu beniä nu calátsa'a' nna, laniana gutáppá'nayá' fqquï nna be'élia'ya'-ä quittiä lani intee'. Huadu nna ruée'ya'-ä azúcar qui'ni yala ru'ulatsi'i azúcar.

-Primeruté nna belué'niya'-q guniä capirueta fácil.

Belué'niya'-q itsíä laatfá canayá' nna hue'tiä tu vuelta lóoyúu nna. Belue'niya'-q nui iyré vuelta tutu tsá nna, pero siempre beluítsha'ya'-q lani la'a-mísmubá catitsa' nu pâ'aya'-q primérúa para qui'ni téelíniä.

-Siempre gutáppá'nayá' láatiç canchu beniä tse', huadu nna ruée'ya'-q azúcar. Pero canchu labí beniä intee' obedecer nna, begálta'niya'-q nna para qui'ni téelíniä qui'ni labí beniä tse'. A'huatata quia' nna rabí intee' qui'ni canchu chi labí runiä tse' nna caduela' gulúitsa'ya'-q lani titsa' tse' nna alaa lani titsa' dí'.

-A' modo nna belué'niya'-q capirueta nu bila'nilé beniä. Huaru'ulátsa'a' nna q'hua Rintia' nna huaru'uhuálatsi'.

fin.

TORTUGA NU BENIA GANA

LA TORTUGA QUE VENCIO

Este cuento bien conocido trata de la carrera entre el conejo y la tortuga. El conejo en un principio era muy orgulloso, pero la tortuga venció aunque sus pasos eran muy lentos.

Por la paciencia y por la perseverancia

uno puede ganar la carrera.

Tu tiempo nna gudua tu conejo yala rudalitaniaq la'a-'labáa
qui'ni yala quetha rida'q nna rä:

-Ni tú animal lanú té rida' quetha ti' rídayá'. Nuni calatsi'
guniaq carrera lani intee'. Tsi huacalatsi'lu' gunilu' carrera
lani intee'-rä tu bia'. - A'hua rä tu cuttsi nna tu gu'na nna tu
carnero nna tu burro nna tu patu nna.

Iyabacä nna yala enfadar uccuacä porqui'ni aníabá renä
tulidäabá, pero ni túca nna labí uccualátsi'qui tsiaca carrera
lani 'la, hasta qui'ni biria tu tortugató' nna rä conéjuá:

-Intee' tsa'a' carrera lani-lu'.


Conéjuá nna yala beyritsä nna rä:

-Gani dää titsa' qui'ni tu tortuga nna guniaq gana tu conejo
ni'i, qui'ni yala bëetsi rida'lu', porqui'ni intee' nna demasiado
quetha rídayá'.

Tortúgaá nna rä-na:

-Bittu ébatta'lu' qui'ni labí yùulu' canchu gunilu' gana.

Adi ca-animal nna benicä seña gácca'áyra thúlóocä igàaca
nna bedàaca calistón lati ná qui'ni ítsina'ca.



El lenguaje utilizado en esta edición no está vigente pero es útil como antecedente de las ediciones posteriores

Iyaba ca-animal nna gudàaca ínna'ca carréraá.

Laniana conéjuá nna bigàáq quetha nna yala bestee beniä para qui'ni lâa ila'ni tortugatú'a nna yala bêetsi rida'q. Ituba bestee nu beni conéjuá nna ra'q lûj qui'ni dánâlla'q nna. Conéjuá nna bedeqquialui nna bila'niä qui'ni yala chi bitoo tortugatú'a nna accana uccuaniä:


-Gatta'tí'a' para edi'ti'lâtsa'a' hasta' nna tayreni tortúga' intee' laniana sgáaá' quetha attu para qui'ni ila'nicä intee' itsina'a' primero nna gudaxu'a' listón-na'.

Pero de gutta'q nna guliani betsiàlà qui'j nna belábalatsi'j qui'ni ga'athiä tu tsastitóo'bá. Pero labí bêbanitiä nna. Labí gutéebe'niä gutèe tortugatú'a lati té nna qui'ni labí biyra ruido beniä para qui'ni lâa ébani conéjuá.

De bebani conéjuá nna bila'niä qui'ni chittàani ritsina' tortugatú'a lati dàa calistqá. Conéjuá nna bigàáq quetha pero labí tayréniä-na qui'ni tortugatú'a nna chi bitsina'q nna chi bedaxu'q calistqá nna. Iyaba ca-animal canu tse'e rinna'ca carréraá nna yala viva rigú'ucä qui' tortugatú'a.

Conéjuá nna benittiä porqui'ni yala bebatta'q nna labí belábalatsi'j tse'. Pero tortugatú'a nna beniä gana masqui'bá yala bêetsi rida'q, porqui'ni de guyú'q néeda nna labí bêdi'latxi'j hasta qui'ni bitsina'q. Conéjuá nna yala bettu'niä nna labíru bêbatta'q porqui'ni hastaá tu tortuga beniä-na gana. Adi ca-animal nna yala bedâcca'nicä.

fin.



TU CISNE NU UCCUA PADECER

EL CISNE QUE SUFRÍÓ

Este cuento muy interesante nos relata de un cisne que era diferente a sus hermanos y por eso ninguno lo quería. Todos lo despreciaban y por eso huyó lejos para buscar felicidad. Cuando creció se gozó porque en realidad no era lo que pensaban.

No siempre serás lo que eres.

Tu vuelta nna gudua tu patu nna guyrùà lóo xcu'ni nna yala calatsi'i gattsa catsíttató' qui'niá. De chi gudulóo catsíttatá ratsacá nna yala bedacca'niq.

-Pi pi pi- ribetsicá de ririacá le'e chúa' tsitta qui'caniá.

Pero tu tsítta xeni nu llani adi catsíttatá nna labí guttsatiq. Patúa nna uccuaduelia' xúq attu para qui'ni gattsa tsíttaá. De chi guttsaq nna bila'ni patúa qui'ni adi xeni náq ti'chu adi capatutú'a q'hua xíti' ná tubi'tó' qui'niá nna yéthiató' náq nna. Accana ra patúa:

-Berudi ca'a' nui qui'ni labí náq ti' ná adi capatutó' quiyi'i. Annana íche'ya'-q le'e inndá' canchu huaccaniq gúrubá.

Pero de bitsina'cq le'e inndaá nna patu yéthiatú'a nna yala tse' caniá rurubá.

Laniana patúa nna guchi'q cayri'nító' qui'niá lati tse'e adi capatu para gúniq-cá presentar lani-cá. Pero de bila'nicá patu yéthiatú'a nna labí guyu'ulatsi'qui-na. Tuq nna bitsíq nna gutitsíq íequia patu yethiatú'a nna rä:

-Latsitè ná cayri'nító' qui'lu'q pero nu yéthiaq' nna tsí'lá náq.

Pero naná qui'niá nna rä:

-'Lachu, labí náq latsítè pero huaccaniä gúrubä tse' a'hua xeni tse' ccáa.

Iyaba capatutú'a nna yala bedacca'nicä pero nu yéthiatú'a nna yala uccuä padecer porqui'ni cabéera nna adi capatu nna yala rue'ca-na hasta qui'ni nana qui'niá nna rä-na:

-Quisiera intee' qui'ni cuenilu' ya'latsi'.

Patú yéthiatú'a nna yala behuini'niä nna guduä lóo tu li'ya nna becuittääq nna bitsina'ä lati tse'e capatu íxi'. Bedi'latsi'i nía nna guta'athiä porqui'ni yala reyatsaniä.

Díilato'ní nna bitsina' capatu íxi'á para ínna'ca patu yéthiatú'a nna raca-na:

-Biani clase de patúní nálu', qui'ni tsí'lá nálu', huaccaá éga'nálu' ní, pero bittu gunnatu' permiso qui'ni thí'lú' cayri'nitú'í.

Patú yéthiatú'a nna labí belábalatsi'i qui'ni éga'náq nía, sino qui'ni bega'náq para edi'-térubá latsi'i, laniana beda'ä attu nna díq lati huaya'.

Bitsina'ä lati dua tu yú'u tappa' nna. Dua tu niula a'hua tu yití nna tu miyri nna. Betèca permiso qui'i para thúäq le'e yú'u qui'caniá pero ya'latsi', a'hua labí guyu'ulatsi'qui iyéninicä biyra gá patutú'a-ca. Acca becuittääq attu nna díq lati re' tu yélà.

Tu vuelta nna bila'niä tse'e tsunna cacisne tsíttsi le'e inndaá, pero de repéntetää nna guduä. Patú yéthiatú'a nna yala guyu'ulatsi'i-ca pero labí yùä biyra clase de patúní náca.

De gullani tiempo idilia'á nna yala padecer uccuä, chitää ná gattiä.

De guđulóo tiempo ubáá nna patútú'a nna chi náq xeni nna

chi riduq adi tse' nna bitsina'q le'e tu lagunató' qui' tu parque.

Le'e inndatú'a nna bedacca'niq tsunna cisne tsítsiá nna rä:

-Dí'a' lati tse'ecana' masqui'ba gútticä intee'. Adi latsa' gattia' nì ti'chula lati bitsina'ya'á.

Cacisne nna de bila'nicä-na huíacä tattsää'cä patútú'a. 'La nna belábalatsi'i qui'ni gútticä-na porqui'ni yala xeni nácä. Acca bedetta'lóotó' qui'i le'e inndaá nna bila'niq lixiní le'e inndaá nna rä:

-Labíru ná' yéthia, tsítsituní chi ná intee' ti'á ná 'lacä.

Cacisneá nna benicä-na saludar nna gutappá' xilaquí láati patútú'a nna yala bedacca'niq.

Laniana bitsina' chuppa cahuatsato' nna racä:

-Ná' yu'ú attu cisne nu cubi nna adi latsítè náq ti'chu átsunna canuq'.

Laniana bedalacä nu gúaq le'e inndaá. Cisnetú'a nna rä:

-Nunca labí belábalátsa'a' ccá' latsítè, pero annana yala ru'ulatsi'qui intee' nna yala redacca'te'.

fin.



LIDI'A NNA BETSIA NNA

LA LIEBRE Y EL LEONCILLO

Este cuento nativo de Atepec refiere a una peña cuyo nombre en zapoteco es Iyya Lidi'. El cuento contiene las sietes travesuras de la liebre aplicadas contra el leoncillo.

Dos ciegos andando, caerán juntos al mismo tiempo.

I

Tu vuelta nna gudua tu enne' nna gudə yina' le'e tu
lavuéltago' nna tuba gutebe'niq qui'ni roca yina' qui'niá nna.
Acca belábalatsi'i nna ra:

-Annana gudua' tu mono yiná' ru'a puerta qui' lavuéltago'
quiá' para qui'ni gudaxu'a' nu ría go yina' quiá'.

De gùllàlā nna bedúáq mono yiná'a nna beda'tiá. Pero de
huani' nna guda'a diq hueyuu canchu bedaxu' mono yiná'a nu
ría go yina' qui'niá.

De bitsina' enní'a nna bila'niq qui'ni lídi'tú'a nuá ría go
yina' qui'niá nna ra-na:

-Eh, lu' nuq' rita go yina' quíyi'i ala. Anna échi'a'-lu'
para gotu'-lu'.

Belatsu'a lídi'tú'a láati mono yiná'a nna denu'a-na litsi'niá
para gocə-na. Betsina'a litsi'niá nna bedallatiá-na le'e yethu'
innda tsa'a para gocə-na. Pero de chi ritsia yethu'á nna
cahuatsato' qui'caniá nna gubiga'cq ru'a yethu'á para flatsu'cq
belá' láati lídi'tú'a. Tuba nna gunnè lídi'tú'a nna ra-ca:

-Bittu quitsi'lé intee' nnia'.

Pero cahuatsatú'a nna adila runicä-na ritsí'cq láati lídi'tú'a, pero 'lq nna labíru belMa'q-cä. De gubiga' niuláa para ébeqquitáä lídi'tú'a le'e yethu'á nna, guttsa innda tsa'a lúj nna. Lídi'tú'a nna bigàachiä nna becuittáä. Pero ca-enní'a nna dua tu bètsi qui'qui nna racä betsiá:

-Huia bedaxu' lídi'q' qui'ni chi becuittáä.

II

Laniana bigàa betsiá nna bitsina'q lati re' lídi'tú'a nna rä-na:

-Anna gua'-lu'. ¿Biecca bethacca'yrífilu' caxáana'ya'á?

Beccabi lídi'tú'a nna rä-na:

-Alàa intee' nuá. Attu bettsi'ya'ala nuá qui'ni yala iyré bettsi'tu' cca. Tsi huacalatsi'lu' éga'nálu' gappalu' cabéera quíyi'i nna intee' nna tsa'a' tátílá' nu gori'u. Canchu làa élianixia' nna canchu chi ritunilu' nna huacabá gudaxu'lu' tu béera quíya'q' nna gólu'-q.

-Ooba ra betsiá-na bega'náä nna. Becuittátè lídi'tú'a attu.

De beyùu betsiá qui'ni lanú lídi'tú'a retsina' nna, accana rä:

-Yala chi ritunia' nna lanú lídi'tú'a reliani nna annana gudaxu'a' tu béera qui'ni para góya'-q.

De gubiga' betsiá para gúdaxu'q tu béera nna iyaayriaba canuá guduçä qui'ni bechittúbá canuá nna yala bitsa'ani betsiá nna rä:

-Annala nna di'a' gayratàa etselate' lídi'á nna gotàaya'-q qui'ni yala bethacca'yríä intee'.

III

Laniana guda'q dia tátíláp lídi'tú'a nna taxácca'q-na nna
ri'q ru'a litsi' tu bediá nna accana ra betsiá-na:

-Annala nna gua'-lu' qui'ni bethacca'yrífilu' intee' nna ralu'
qui'ni béra canuá nna pero bechittubá canuá nna.

Beccabi lídi' tú'a nna rä-na:

-Tututsáabá ribe' intee' ni lani caniños escuela quíyi'i.
Attu bettsi'ya'ala nuá qui'ni iyré bettsi'tu' ná. Tsi huacalatsi'
lu' éga'nálu' huée'lu' cuidado caniños escuela quíyi'i nna
acca'té tsa'a' taxia' nu gori'u. Canchu lāa éllanixia' nna
canchu chi tunilu' nna galu' caniños escuela quíya'a' qui'ni
gunnacä nü golu' nna cuibilu' yaa lati yu'ucä na' para qui'ni
íriacä nna gunnacä nu golu'.

-Ooba-ra betsiá-na bega'náq ru'a litsi' cabediáa. Pero de
beyuä qui'ni lanú lídi'á retsina' nna accana rä:

-Annana cuibia' yaa lati yu'u caniños escuela qui'ni nna
para íriacä gunnacä gua'.

Laniana guyri' betsiá tu yaga nna gutsibiq-na lati yu'u
cabediáa. Eh, de gutsibiq yagaá nna laniana biria cabediáa nna
be'ca-na nna bitetsicä-na hasta qui'ni bitetsinä lóoyúu de
tantua be'ca-na. Itsati'a gutta'q lóoyúu para beyaccati'latsi'i
nna. De beyathä nna acca rä:

-Annala nna labíru medio vuelta te nna gorua' lídi'q qui'ni
yala bethacca'yríq intee'. Annana di'a' tatilaya'-q gayratàa
étseláti'-q nna gotáaya'-q.

IV

Betsiá nna guda'q dia huila lídi'tú'a nna bitsina'q lati yu'u
lídi'tú'a runcu'. Accana ra betsiá-na:



-Annala nna gua'-lu' qui'ni yala chi bethacca'yríilu' intee'.
Beccabi lídi'tú'a nna rä-na:
-Bittu golu' intee'. Tsi bihua ru'ulatsi'lu' runcu' quíyi'q.
Tsi huacalatsi'lu' tsialu' tu qui'lu'.

Acca ra betsiá:

-Huacalátsa'a' tsa'a' tu quia'.

-Ooba- ra lídi'tú'a nna beyadiq nna gudua betsiá lóo
runcu'á. Lídi'tú'a nna guduluq rudaliq-na be'. Accana rä-na:
-Yala tse' caniri'u ala. Tsi huaru'ulatsi'lu'-q.

-'Lachu, yala ru'ulatsa'ya'-q- ra betsiá. Tsi huacalatsi'lu'
gudalihalu' intee' adi be'.

-Ooba- ra lídi'tú'a.

Tiémpuá diq gudaliq betsiá be' nna guchuq ti'to' tóbà nu
yriqqiani runcu'á nna. Méruá lahui' dia betsiá nna guru tóbàá
nna hastaruani ru'a tu pozo bitsina' betsiá.

Lídi'tú'a nna yala beyritsiq nna rä:

-Di'a' gua' caberu'ni quíya'á.

Nna diatiq go beru'ni. De beyaccalatsi' betsiá nna rä:

-Annala masqui'ba bi'ca'ayra guni lídi'q' ofrecer nna
labíru thia' la'yréenlatsi' qui'ni puro áq'bá runiq tutu vuelta
nna. Acca di'a' tátiláya'-q para góya'-q.

V

De betsina'q yra yaa beru'nía nna bila'niq lídi'tú'a nna
rä-na:

-Annala nna gua'-lu' qui'ni demasiado chi bethacca'yríilu'
intee'.

Acca ra lídi'tú'a:

-Bittu golu' intee'. Tsi bihua ru'ulatsi'lu' golu' tu beru'ni.

Acca ra betsiá:

-Bedallatsánnna tu quia' nna.

-Ooba-ra lídi'tú'a-na.

Beyiláq tu nu nata'ní nna guchuxítta-na ratiä betsiá:

-Annana bethaya lóolu' nna guthalia ru'alü' nna qui'ni gudalla'a' beru'ní para gólu'-q.

Nna bedallatiä beru'nía ru'a betsiá, acca rä-na:

-Tsi huaru'ulatsi'lu'-q nna.

Acca ra betsiá:

-'Lachu, demasiado iyri' náq. Tsi gudalialu' attu quia'.

-Ooba- ra lídi'tú'a nna rä-na attu.

-Guxa' ru'alü' nna betha lóolu' nna qui'ni gudalla'a' attu nu ná adi tse'.

Laniana bethayaloo betsiá nna guxa'rú'i nna. Laniana beyila lídi'tú'a tu beru'ni nu adiru yettse' tsíà láatí nna rä-na:

-Buénutaa listo gudu qui'ni gudalla'a' beru'ní ru'alü'.

Laniana bedallä beru'nía ru'a betsiá nna hastaruani yáani huíq nna ituba cayettsí'a nna biyadacä yáani. Laniana gudulúä ritetsíä lóoyúu de tantua riláá yáaniniá. Lídi'tú'a nna demasiado beyritsíä nna hasta qui'ni binniä de lóo yaa beru'nía. Después nna diatiä lati re' tu yettiuxtíla nna. Lati re' yettiá nna té tu yrúa'xtíla nna yala chi ribitsíä. Laniana beyatha betsiá nna dia' tátíláq lidi'á para guä-na:

VI

De bitsina'q lati re' lídi'á nna rä-na:

-Annala nna gua'-lu' qui'ni demasiado iyrée cosa chi benilu' quia' nna.

Acca ra lídi'tú'a:

Cabettsi'ya'á ca'a nuá qui'ni iyré bettsi'tu' cca. Qui'ni intee' nna tutu tsáaba rita' ní hue' cuidado yrúa'xtila quíyi'i. Tsi huácalatsi'lu' guñhalu' bihuela quíyi'i acca'tè di'a' taxia' tu yettia para gatha'lu'.

-Ooba- ra betsíá-na. 'Lá nna guri'q̃ huilia bihuelaá, mientras lídi'tú'a nna gulu'q̃ yi' tappa ca-esquina qui' yrúa'xtilaá nna gudulóochi' yrúa'xtilaá ralla'q̃. De bila'ni betsíá qui'ni yala chi ralla' yrúa'xtilaá nna demasiado gutsiniá nna beriá quetha, pero ituba láati nna huayiá nna ritetsiníá lóoyúu de tantua rilaa láati. Lídi'tú'a nna bigaáq̃ quetha nna guta'q̃ le'e tu beliató' nna gutááq̃ ti'atsi nu runi fuerza para qui'ni lāa innia íyya.

Laniana betsíá nna beyathq̃ nna diq̃ tátiláq̃ lídi'á.

VII

De taxacca'q̃ lídi'á nna r̃a-na:

-Annala nna gudaxu'a'-lu' nna gua'-lu' qui'ni yala maldad chi benilu' quia'.

Accana ra lídi'á:

-Canchu golu' intee' nna chuppatéri'u gatti qui'ni intee' nna nátsa'a' íyyi para qui'ni lāa innia nna tulluq̃ nna guttiá ca-enne'. Acca, canchu gudaxu'lu' intee' ní nna chuppatéri'u gatti qui'ni luegutáa innia íyyi. Acca adilatsa' nna beni intee' cualani nna gutatts'a' íyyi para qui'ni intee' nna tsa'a' taxia' nu gori'u. Pero bittu ucuittalu' qui'ni lāa tullu íyya'.

-Ooba- ra betsíá-na gutatts'a' íyyaá lani itutte fuerza qui'i.

Acca guda'tè lídi'tú'a nna gure'tiá íqquia íyyaá nna ratia betsíá:

-Na' gudu gutatts'a' íyya' por zonzo canchu lāa retsanilu'.



Laniana beria betsiá nna demasiado ritsa'aniq nna rä
lídi'tú'a:

-Annala nna gua'-lu'.

Beccabi lidi'tú'a nna rä-na:

-Gutààba golu' intee' cañchu huaccanilu' gúdaxu'lu' intee'.

Laniana bigàa betsiá nna diq gudaxu'ä lídi'tú'a, pero
lídi'tú'a nna binniachiä íqquia íyyatù'a nna. A'hua betsiá nna
binniatehuáä nna chuppatäacä nna biyeti'ca láati íyyaá.

Canchu calatsi'le ínna'lé-ca nna tsíale yra íyya lídi'á. Nía
nna nallá'ca hastaá natsá.

fin.

Colorín colorado el cuento se ha acabado.

ACLARACIONES SOBRE EL ALFABETO

del Zapoteco de la Sierra de Juárez
(Como se habla en Atepec)

Las siguientes letras y combinaciones de letras representan sonidos del zapoteco que son distintos de los que se encuentran en el castellano:

- La combinación ts, como en tsina "trabajo".
- La combinación th, como en etha "rayo".
- La combinación yr, como en gayru "ajo".
- La combinación fl, como en gallia "veinte".
- La letra x, como en exu "aguacate".

En cuanto a las vocales del zapoteco, éstas se encuentran simples y con acento alto, como en el castellano, y también se encuentran en las siguientes formas:

- Vocales cortadas, como en ra' "arriba" (no es igual a ra "decir").
- Vocales nasalizadas, como en raⁿ "el dice" y raca "ellos dicen".
- Vocales quebradas, como en dá'a "elote" (no es igual a dá "manteca").
- Vocales con acento bajo, como en béllá "culebra" (no es igual a béllá "pescado").

